



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1558. usque ad annum 1560

Fleury, Claude

August. Vind. [u.a.], 1771

VD18 90118588

§. 41. Joannis Gropperi ad Cardinalatum nominati mors.

[urn:nbn:de:hbz:466:1-66800](https://nbn-resolving.org/urn:nbn:de:hbz:466:1-66800)

Sæcul. XVI
A C 1558

Aulæ Romanæ sat perspecta post Marcelli II. obitum a Cardinalibus ad D. Petri Cathedram eveheretur. Præterea in Concilio Tridentino pro sententia, quæ Conceptionem B. Virginis fuisse immaculatam negat, acerrime disputabat, nec minus ferventer pro Episcoporum residentia perorabat: ut vero Concilium alio transferretur, nullum non movebat lapidem: tandem Romæ ultimum diem clausit, hoc anno die octava Martii circiter annos quinquaginta septem natus, ac sepultus fuit in Ecclesia S. Sabinæ in Monte Aventino apud sui Ordinis Religiosos, ubi sat prolixa legitur inscriptio funebris, quam ejus frater apponi curavit.

§. XLI.

Joannis Gropperi ad Cardinalatum nominati mors.

*Ciaccon.
p. 851.
Aubery vie
des Card.
Dupin. Bibl.
t. 16. p. 19.
Pallav. l. 15.
n. 16. n. 2.
E^s l. 14.
c. 6. n. II.*

Alter erat Joannes Gropperus, qui Cardinalium albo inscriptus legitur, quamvis hanc dignitatem sibi a Paulo IV. Anno Domini millesimo quingentesimo quinquagesimo quinto oblatam ob summam modestiam recusasset. Erat Gropperus natione Germanus in Sufatensi Westphaliæ oppido natus, juris, ac Theologiæ Doctor, necnon Bonnenfis Ecclesiæ Præpositus, & Coloniensis Archidiaconus, qui suæ eruditionis excellen-

cellentia, ac defendendæ fidei Catho-
licæ studio, necnon veritatis amore in-
gens sibi nomen comparabat, ac inter
ceteros præcipue seligebatur, ut Ca-
tholicorum partes contra Protestantium
dogmata Anno Christi millesimo quin-
gentesimo quadragesimo primo in col-
loquio Ratisbonensi tueretur: inde vero
in patriam reversus Ecclesiæ suæ, Cleri-
que Coloniensis jura adversus Hermanum
Electorem, qui adulterinam reformatio-
nem invehere moliebatur, acriter de-
fendebat. Postea unacum novo ejusdem
Urbis Archiepiscopo Tridentinum Con-
cilium accessit, cum prius esset honora-
tus Bonnensis Præposituræ dignitate,
qua Fridericus Monasteriensis Episcopus,
ac præfati Hermani Frater merito ex-
tus fuerat. Porro Gropperus pro aris,
& focis propugnabat in eadem Synodo
appellandi jus ad summum Pontificem:
Tandem vero Paulus IV. in laboris præ-
mium Cardinalitia purpura illum hono-
rare meditabatur, quam tamen digni-
tatem non acceptavit, sed gratias agens
litteras ad Pontificem scripsit, ubi facti
sui rationem reddidit, prout Petra-
mellarius, Panvinius, Possevinus, alii-
que referunt. At Franciscus Sacchinus
in historia Societatis Jesu nullum de
nuntio purpuræ misso verbum facit;
neque ex ejus epitaphio id colligitur,

Sæc. XVI.

A.C. 1558.

quinimo in Annalibus Archiepiscoporum Colonienfium, & in fronte libri de Euchariftia dicitur Cardinalis designatus. Floruit idem continentia admirabili, de quo facinus illud æterna fæculorum memoria digniffimum narrat Ciaconius: cum enim aliquando domum reversus vidiffet mulierculam lectum fuum sternentem, non modo illam e cubiculo durioribus verbis, ac minis abegit, fed lectum ipfum tactu mulieris ob magnam continentix reverentiam quasi pollutum ratus, ipfemet illum e fenestra, videntibus, atque admirantibus omnibus præcipitavit.

Denique a Papa Romam vocatus ibidem ineunte Mense Martio Anno Christi millesimo quingentesimo quinquagesimo octavo obiit, expleto circiter quinquagesimo octavo ætatis fuæ anno, sepultusque est in Germanorum Templo prope Adriani VI. monumentum, quamvis Scriptorum nonnulli illum Colonix fati functum referant.

§. XLII.

Hujus Auctoris opera.

Ciacon p. 851
Dupin. l. c. Reliquit posteris Gropperus plurima opera, ex quibus præcipuum est *enchiridion institutionis Christianæ*, unacum *institutione ad planiorem Christianæ Religionis cognitionem*, quæ opera inter dogmatica